

D I E S
VITÆ MAXIMA,

IN

Æquinoctio Autumnali
MERITIS ET VIRTUTIBUS

Perillustris olim Clarissimi & Admodum Reverendi

**M. STANISLAI
MARKIEWICZ,**

Sacræ Theologiæ DOCTORIS & Pro-
fessoris, ejusdemq; Sacræ Facultatis DECANI,
Collegæ Majoris, Ecclesiarum; Collegiatæ S. FLO-
RIANI CUSTODIS, Cureloviensis SCHOLA-
STICI, SS. Omnitum Crac: & Parochialis
Prossovicensis PRÆPOSITI, Scholarum
Novodvorscianarum & Contubernij Ge-
loniani PROVISORIS

E X O R T A;

Dumq; ejus pijs manibus
justa parentalia in Ecclesia S. ANNÆ
non sine gravi mœrore
ab Ordinibus Academicis exsolverentur,
Lugubri pennâ

P E R
**M. CASIMIRUM STANISLAUM
PALASZOWSKI,**

Philosophiæ Doctorem, ejusdemq; Regium & Tylicianū Eloquentiæ
Professorem, Collegam Majorē, Neolandecensē CANCELLARIUM,

DELINEATA.

ANNO DOMINI MDCCXXX. Die 25. Septembris.

CRACOVIAE Typis UNIVERSITATIS.

D I M E S
VITÆ MAXIMA,
In Æquinoctio Autumnali
E X O R T A.

Vtinam ô Fata!

hominum rebus & hominibus iniqua,
saltim Astrorum Principi Soli
in contra desineretis ire.

Suo ille annuo Cursu
breviores sive longiores efficit dies,

Vos nulos.

Ille Superûm alta lege ordinatus,
Accessu suo in Hemisphærium, dies crescere cogit,
recessu decrescere,
Sed sine dispendio vitæ;
malignitas Fatorum,
cum luce Vitæ dies aufert, quos Titan affert,
extinguit, quos accendit.

Criticos dies

nonnisi aliquos studiosa annotavit solertia,
ex quibus boni maliq; aliquando omnis indicia.

Fausta Crisi

Lethifer morbus dat vitæ accrementum,
ubi ejus decrementum imminebat.

Fatis



Fatis nunquam non pessima Crisis,

Imò nec istam norūnt,

Quia nulos calculant dies;
Tetram inhabitant caliginem,

noxq; illis perpetuò dormienda.

Quid vobis prodest mortales?

Solis aut Saturni

illustres vel aureos numerare dies,
facundos Mercurij vel benevolos Jovis
in æternantes fastos computare.

Fatis nulla non Martis dies cædibūs plena.

*Vt jugulent homines, surgunt de nocte latrones,
At etiam claro meridie cædes fatorum grassantur.*

Noctem teterimam ut unam habeat,

Cæca Lachesis est.

Pari atrocitatis impetu
facilè in omnes ruit, delectus ignara,
quia luminibūs orbata.

Æquo pulsat pede
Viles hominum casas, Regumq; folia.

Sceptri decus ligonibus æquat,

Subruit Urbes populosq;
Atterit laurus nescias fulmine tangi,
Turmas militum permiscet Cineri Ducum.

Dies

Nec Cræso fortunati, aut Polycrati candidi,
Nec aurei Saturno, aut Cæsari triumphales,
contra fatalem noctem profuere.

Sanè omnium est,
quòd Soles definant in umbras, dies in noctes.

Aliter tamen

Tuis meritis & virtutibus concessum

Per illius olim Clarissime & Admodum Reverende

M·STANISLAE MARKIEWICZ,

Sacræ Theologiæ DOCTOR & PROFESSOR, &c.

In Æquinoctio Autumnali,

Tuorum non decrescunt Annorum dies,
qui pro eorum accremento immortali
totissimam vitam impendebas.

Vt penitus ignorares,
quid sit diminutio dierum?

ab æquinoctio verno, à Tuæ exortu vitæ
ad Solstitium gloriæ procedebas.

Florē tenerioris ætatis Tuæ,
in Virtutum fructus multiplicabilem
Parnasso Cracio commisisti.

Fugient alijs freno non remorante dies,
Currunt horæ, prætervolat ætas;

Tu alatum cùm noveris tempus,
ei promptitudinem ingenij opponebas.

Aptabas Te tempori,
& omne illius spatiū in Tuos usus convertebas.

Vere

Vere amœnioris vitæ

Autumabas maturitate Scholastici profectus.

Æstate temperabas judiciō fervorem,
igniculis eximiæ indolis,
hyemis algores fugabas.

Mane Tuum,

Meridies virtutum erat nullo vespere in umbrandus.

Dies Tui,

horis ut fluarent aureis,
eas pulvere implebas Scholastico
Gangeticis arenis potiore.

Sub Musarum Sole

nunquam visus es admittere noctes,
Lucis Phæbææ absentiam
Cleantheus supplebat lychnus.
Probavit dies laudabiles Pallas,
gloriose in studio privato peractos,
in publico

Philosophicis laureis coronavit.

Laborum diebus adjunxit honoris diem,
pervigiles applicationis ferias
sine festo noluit esse,
quod ut Tibi solenne diceretur,
illi Tuō clarissimō ingenio allucebas.
Elegeras nunquam non publicos vivere dies,

quos festivos

B

ut

ut ex Te Universitas haberet,
Semper festinus pro gloria ejus excurrebas.

Quò pedē movisti Professor,
ubiq; Sol Academicus
sparsit diem meliore coma.

Primūm in Alba Ducali, demum Pinczoviensi præfusi Coloniæ,
utramq; pertinaci excoluisti labore.

Lithuanus Pogonia,
ut nosceret à gloriæ meta non errare,
Craciō Pegasō vestigia signabas.
Marchionales Alites,
Tuæ Minervæ prævolante Noctua,
facilius in culmine nidificabant.

Athenæi Pinczoviensis
Novus MECÆNAS & FVNDATOR

Illustriſſimus olim & Excellentiſſimus

**JOSEPHUS
MARCHO**
IN MIROW
**GONZAGA
MYSZKOWSKI,**
CASTELLANUS Sandomiriensis

æſti-

æstimavit Tuos Colonienses labores,
eosq; Beneficiò in Stradow pensavit.

Vineæ Christi præesse voluit,
Sub quo Parnassum suum spectavit florentem.

In Cathedris sacris tonabas Pericles,
Sed Te & Scholaisticæ poscebant.

Suasit publicus literarum amor,
ut continuares dies eruditos;

Nec obfuit Domum inhabitare Minorem,
Colossus in puteo magnitudinem non amittit,
Nanus in collo Gigantis Nanus.

Immortales non desinat implere fastos,
Ecclesiæ columna & adamantina basis

PETRVS TYLICIVS

EPISCOPUS Cracoviensis,

Liberalissima fundatione raro Mecænatum exemplō

Fontes aperuit Tullianos,
qui Sarmaticos ut inundarent Campos,
eos Alma Vniversitas

in Tuum eloquium derivavit.

Hausisti tanti Fundatoris latices,
gemmaſq; pīscabarisi, ut Eloquentiæ Candidatos ditares.

**Domus Celfissimæ
SZEMBECIORVM**

Gentilitijs ROSIS

In publico ad Cathedram Posnaniensem ingressu,

Illustrissimi Excellentissimi & Reverendissimi Domini,
CHRISTOPHORI
ANTONIJ

IN SLUPOW

SZEMBEK,

DEI & Apostolicæ Sedis Gratiâ
EPISCOPI protunc Posnaniensis
nunc Vladislaviensis,

Oratorios innectens flores,

Tuam quoq; gloriā immarcescibilem deduxisti.

Ex Panegyricis Operibus

quotquot pro Encomijs Magnorum Virorum luci exposuisti,
in omnibus stylus aureus animos legentium ditat.

Una Laborum Academicorum Provincia
Tenunquam capere visa.

Ad Comitia Regni legatione functus,
pro literarum Regno
egisti Mercurium & Cyneam disertissimum.

Facultatis Philosophicæ

D E C A N V S

ex Eurippo Aristotelico
urgebas lucidissimos oriri Soles,
ui ad portum scientificum omnibus præluxissent.

Theologus Professor

otô decenniô pro Doctorali laurea decerâsti.
di-

dignus omnino cuius emeritam frontem
non una Corymbus,
sed totus cingeret Academus.

Unaquæque domestica publicaque Disputatio
mille merebatur Coronas.

Antequam Doctor Theologus,
prius Magnificus R E C T O R,
Sceptra admisit in manus docto calamo assuetas.

In Purpura Rectorali ternis vicibus fulsit
perfectissimè negotijs Universitatis præluxit.

Neminem suo fulgore perstringens,
nisi forsitan quorum oculis
etiam lux solis amænissima gravis.

Classum Novodvorsianarum PROVISOR,
multis sæpe agitatas procellis,
nunquam quassare permisit.

Consurgentes Euros & Aquilones
in placidos Zephiros & Favonios cogebat,
illis etiam faventissimus,
quos sibi non faventes aliquando expert⁹.

In Majores reverentiâ, in pares affectu,
in omnes affabilitate certavit.

Instat Major scribenda dies,
tot fastis perennib⁹ digna,
quot pijs actib⁹ adaucta.

Quanquam & sine testibus chartis
fama loquetur opus.

Beneficia non ideo tenuit,

ut sibi, sed ut illis benefaceret.
Divina Providentia accumulāte provētus,
qui non in profanos usus convertuntur.
Ob difficilem censum pensionem
Contubernium Gelonianum
patentibūs parietum rimīs,
qui illud manebant calus, enarrabat.

Sua ne timeret rudera,
Inhabitantes ne terneret, tempestivè providit.
Studentium appetitus
ne solō Jagellonicō satiarentur Manipulō,
mensas aperuit Fūdatoribus conformes.
Stradoviensem Plebanatum dimisit,
sed non vacuum divite apparatu,
quem ei accumulatè comparavit.

Prossovicensis Ecclesia
quòd novō sit stabilita murō,
largas STANISLAI impensas testatur,
quòd ædificijs adaucta,
eius sollicitos fatetur labores.

SS. OO. Cracoviensis Præpositura
tardiùs ejus curæ accessit,
Ei tamen hoc intra breve tempus præstítit,
quod ab alijs intra annorum lustra non agnoscit.
Diem certè se perdidisse ratus,
quâ in pietatis opem aliquid non præstaret.
In quævis Beneficia munificus,

in Sandecensem Cancellariatum longè munificētior.

Alter potiūs dicendus Fundator,
quia Prædiali sorte Dotator.

Præter impositum Sacrificij munus,
ad messem gratitudinis
pro cōemptis agris obligatus Successor,
qui ne egeret, egit liberaliter.

Hoc profectò unicum & singulare,
Diem vitæ maximam
in dierum decrescenti habere,
agere quæ sunt æternitate digna.

Factis enim homines non annis vivunt.

Corporis ægritudinis pressum
relevabant amici, tollebant Clientes,
etiam Viri Proceres solabantur.

Illusterrimus & Excellentissimus Dominus

ALEXANDER
IN SLUPOW

SZEMBEK,
Palatinus Siradiensis,

Capitaneus Becensis, Regni Senator,
Senotorum decus, Patriæ fulcrum & Præsidium,
suā præsentia ROSISq; suis Gentilijs

sævos inter morbi langvores
mæstum non dedignatus recreare.

Omnes illi longiores vovebant dies,

180 T 93 G2 at

at ipse sibi meliori non defuit voto.

In Æquinoctio Autumnali,
ultra quinquagenarius;
dum dies decrescere solent,
maximam vitæ expertus diem,
quam meritis, virtutibus & laboribus Academicis
ita ampliare curavit,
ut efficeret soli æternitati parem.

Vixit sibi ad gloriam satis,
licet Universitatis, Amicorum & Clientum non satis desiderijs.
Verum amplissimos quos ei fata negarunt dies,
hos sine numero

In Te boni Superi protendant,
imò de omniū Tibi addat Jupiter annis,
qui omnium honorem geris,
Gentisq; Togatæ ingens gloria & prima Majestas es,
Magnifice Perillustris & Reverendissime Domine,

M. MARTINE WALESZYNSKI,

Sacræ Theologiæ DOCTOR, & PROFESSOR,
Collega Major, Ecclesiarum; Cathedralis Cracoviensis CA-
NONICE, Parochialium, Montis S. GEORGII in Sce-
pusio & Præmykoviensis PRÆPOSITE, Contubernij

Hierosolymitani PROVISOR, Canonizationis

B. IOANNIS CANTII PROCVRATOR,

Librorum per Diæcesim Cracov: Ordinarie

CENSOR, Collegij Majoris Senior PA-

TER, Studij Generalis Vniversitatis Cra-

couiensis PROCANCELLARIE

& Vigilantissime R E C T O R.

Quem

Quem non adeò pridem Theologicis coronasti laureis,

Adhuc & post Fata,

ut esset contra suas sortes à fulmine tutus,

Protectorem Testamenti rogavit.

Diem maximam ne decrescere sibi patiatur,

Vobis ultimis Tabulis augendam commisit,

Præstites integerrimi.

Perillustris Clarissime & Admodum Reverende Domine

M. PETRE

SZYMAKOWSKI,

Sacrae Theologiae ejusq; Cursus Speculativi PROFESSOR, Collega
Major, Ecclesiae S. FLORIANI CANONICE, Scholarum Novo-
duoficianarum VICEPROVISOR.

Nulla Vobis dies sine linea erat,

quâ reciprocum in Vos non protenderetis affectum.

Illi sensus, Tuus erat,

Tua negotia semper ad mentem ejus.

Alter alterius implebat vices,

Cognitu difficiles,

Tuone, an Ejus spiritu agebantur?

Gradu distincti non animô vivebatis.

Festus quoque illi aderat dies,

quô ejus adhæseras cordi

Perillustris Clarissime & Admodum Reverende Domine

M. STANISLAE

FILIPOWITZ,

Sacrae Theologiae PROFESSOR, Collega Major, Ecclesiae S.
FLORIANI CANONICE, S. GEORGII in Arce Cracov:
CUSTOS, Geometra Jurate.

Non Nominis tantum Etymologiâ
Vobiscum erat in rebus agendis conventia,

D

Tuam

Tuam in Te Astrorum peritiam aitimavit,
ac de suarū eventu rerum Tecum sāpiūs consultabat,

Non ideò, quòd alienò egeret consiliō,

Sed quòd illi Tuus semper placeret sensus.

Vnus in utroq; Vestrūm erat,
uni quòd mortuo non deeritis,
probavit vivus.

Nec à Te suas Tabulas removit,

Cui nunquam non intimus eras,

Clarissime & Excellentissime Domine,

M. ALBERT E PŁACZKOWSKI,

Philosophiae DOCTOR & Professor, Collega Minor.

In regimine Contubernij Senior.

Pendebas à nutibus PROVISORIS,

In Te Paterno affectu propensissimi.

Sive Lublini Contubernalibus, alijsq; invigilabas Causis,

Sive Classisticis attendebas laboribus,

Ille pro Tuo successu & ascensu Argus erat.

Proch dolor!

Clausit in æternam lumina noctem,

Vos Agite

Quos voluntatis suæ Interpretes voluit esse,

quod de Vestro munere

ad serenum immortalitatis gloriæ spectat.

Charitativo labore Vestro

Atticorum, Clientum, Omnimq; Academicorum Ordinum

pientissima cooperantur suspiria,

ut in luce æterna ED. JUG.

retineat Vitæ maximam Diem.

BIBLIOTHECA
UNIV. CRACELL.
CRACOVIENSIS

17. X. 18. A.G.